

四庫全書

集部

欽定四庫全書

御製詩二集卷六

古今體八十一首

戊辰六

朝陽洞

朝陽古洞香山奧  
蹊逕幾盤方得到  
深谷無景壁含風  
芳杜烟蘿相窈窕  
傳聞仙姥此燒丹  
雲漿玉液供丹竈  
騎上茅龍何所之  
虛無鑑釜遺層嶠  
茹芝辟穀學登仙  
如可求兮願執鞭  
仙緣苟無墮鐵鎖  
退不可悔前不可

董邦達夏山欲雨圖

雲凝不捨峰雨到先鳴樹  
澗口歸漁人林端起羣驚  
渾脫房山法妙蘊丹陽句  
佇待吟溟濛遙天鎮微露

閏七月七日

閏七月七日蕭晨增感傷  
鵲橋疑再駕鳳馭不迴翔  
蘿月淒清色竹風颯沓涼  
黃姑饒厚幸兩度會仙郎

鄒一桂山水畫歌

一桂寫生我夙知茲作林嵐  
亦清竦面臨大壑百丈寬

背峙層巒千疊湧層巒半露古佛龕幕以流雲雲活動  
招提無碑建何年古木踈篁相掩擁孤亭飛瀑皆合宜  
不假安排契濛濛我有牢騷無限愁對之頗覺開心孔  
家丞秋實乃在茲審哉擇術鄒供奉

山東連歲游饑百姓艱苦之狀東巡曾所目覩故  
不惜帑金倉粟亟為救恤恐地方有司力有不  
逮而識有未周也則命大學士高斌左都御史  
劉統勲率給事中御史等自春徂秋駐彼巡視

賑務今高斌等及巡撫阿里衮奏報禾稼登場  
秋收豐稔所歷城市鄉村民氣翕然改觀有更  
生之慶覽奏欣慰因以命篇

調幕惟予責祈年志靡已寓縣既云廣保赤無遐邇水  
旱近何多詎可諉常有<sup>叶</sup>獨茲山左民逢歉連年矣老  
弱委溝壑壯者半流徙疾苦經目擊賑恤莫遑待<sup>叶</sup>雜

詠成四章

東巡時有雜詠四章示  
東省巡撫以下諸臣

感愧由衷已歸來哀

慘中不敢忘東鄙大僚及科道亟往代予視寧濫無或

遺足枯荒政體如嬰乳而哺如病藥以醫叶三時噢咻  
之介遺延至此

皇天生物心悔禍降康祉披來公奏章禾稼登場美民  
艱因以愁民蘇得無喜元氣未易復既喜憂還繼叶尚  
有偏灾者雖小應撫救嗟嗟我臣工敬懼勿暫弛

即景

夜雨朝晴爽氣流高原下隰釀豐秋一天朗日懸清照  
幾縷殘雲戀碧浮心跡只今偏愛澹詩裁到此合添幽

已憐近慣嘗憂戚稍幸茲猶解愁

題萬壽寺方丈

三度輕舟過

今年舟過萬壽寺者三茲始一遊云

一來方丈遊地偏白足

靜松老綠陰稠馴鴿香臺集涼蟬古樹收略叅今昔景  
門外眎清流

萬壽寺口占賜方丈明鼎

試問閭黎悟未曾與僧何不可言僧却憐佛子親逢

佛因識能仁有不能

昔皇考喜開示禪流因而得悟者指不勝屈明鼎尚屬濟宗名

宿獨未獲許  
可故朝之

### 蕊珠院

暢春苑湖中傑閣數楹上摩清顥下瞰澄波

皇祖題之曰蕊珠院朕奉

皇太后駐蹕是苑每問安視膳於此信乎清都之境不  
老之庭也因成長律敬勒壁間

鏡裏岑樓號蕊珠網軒四面遠山圖

堯年寶露猶霑樹



王母香華每降厨地是上清無暑境庭名不老列仙都  
六星又見朝南極鸞鶴紛隨瑞靄扶

五君詠題錢選畫即效顏延年體

竹林之游名豔典午延之著詠黜山王而標以五  
君其見卓矣元錢選為各寫其像而書顏作於後  
展卷間其席地幕天縱情任達高致可挹也爰效  
顏詠各成四韻分綴其上

阮籍

嗣宗青白眼傲睨人間世行不拘禮法學乃通神契高  
論祖蒙莊正言折蔣濟蘇門鸞鳳音夫乃知不逮

嵇康

疎懶蟲不除了飲髮任亂許由羨棲巖子房輕佐漢逸  
躅託雲霞浮榮判冰炭徘徊顧日影絕矣廣陵散

劉伶

沛國更不羈陶陶忘所以鹿車散漫遊寤寐視生死心  
醒身任醉器度誰能揣不聽婦兒言粗論含至理

阮咸

仲容能豫流放達蔑儀度嘉話至今傳犢鼻掛大布山  
公號精鑒磬折心生慕累騎追婢歸或亦失貞素

向秀

叔夜性既巧子期亦佐鍛探道論養生往復相辨難巢  
許不達堯辭遁心無憚三詠西邁賦終始交情見

過通州

行秋過潞水散悶指盤山曉露蘭陔外香風禾隴間野

情偏入畫雲影恰宜閒夾路西成景因之一解顏

浮橋

往來經幾度浮橋鎮若茲不堪迴首處春暮泊舟時

煙郊行宮疊去歲詩韻

命駕田盤止頃便綠窓碧樹又蔥然遊觀藉以消無賴  
來往相於似有緣靜悟春花復秋月痛因今歲較前年

去歲詩云所思難遣憶前年蓋謂乙丑春值慧賢皇貴  
妃事後謁陵之便一駐盤山亦止頃於此今

喪又已踰時撫今  
追昔無不助感

徘徊未獲安心處空說安心已竟禪

秋日靜寄山莊

夏山太濃春淺淡惟有秋山最可人  
小別田盤過歲半  
白雲綠岫如相親  
岫態雲容還似舊  
流泉之畔松陰茂  
憑高意趣合杳冥  
得妙心神忘去留  
心神意趣適所如  
山莊靜寄名實符  
太行之陽有盤谷  
瓊臺中天而懸居  
時時鐘磬下雲間  
疑有佳期相往還  
却笑苦求萬年藥  
不及樂此一日閒

天成寺

每到盤山無不到坐來高閣憶曾來  
牕舍四面秋山翠  
座招萬壑松風哀欲落未落葉戀樹三點兩點雨濕苔  
我豈維摩無所著手接天花置講臺

西甘澗

此路乃初路探奇越得奇當秋坐精室尋古得殘碑石  
底幽泉漱松梢宿霧披人心欣創見我意也因遲

東甘澗

常時空向詩中詠

題慎郡王盤山十六景圖內雖有東甘澗詩而其實未到今始遊云  
今

日初從畫裏遊正喜軒窓無俗韻更當風物報高秋  
西甘澗接東甘澗薜荔蒙茸澗路幽迴首天成白雲外  
鐘聲遙自翠微流

千相寺

詭石盤危磴精藍倚繡屏衣衫生颯爽草木發幽馨雲  
榻當軒據松泉隔峽聽便教邁支遠無暇問金經

東竺庵

穿林破秋烟塞蘿濕曉露雲中峰態幻雨後溪聲怒靜

室聊可憇賞心於此遇既欣筆硯隨便令座席布雲罩  
在上方鐘聲時靜度分付舍利光待我重來晤

望雲罩未至

非虞高處不勝寒身到何如望裏省一步未勞纔舉目  
拈題已在白雲端

雲淨寺

精藍東竺東峭徭倚青葱妙契得初到徐觀迴不同開  
窓延爽籟俯檻眄秋空尋勝勝無盡生涯那有窮



靜寄山莊禱詠

雲間尚戀翠峰聳，瀑壯偏淙白石寒。  
小駐山莊欣靜寄，略紓幽抱愜澄觀。

四面芙蓉入座濃，石林雲海自重重。  
上方高與秋空杳，夜半微聞縹緲鐘。

臨流構館名聽雪，據勝標亭欲槩雲。  
便是朱明無暑到，那更白帝報秋分。

剡藤一試三王帖，薊樹全中七字詩。  
不是好遊兼學懶，

散懷聊復偶然時

蝶翅山花何故喜  
蟲吟秋草若為愁  
掃除愁喜叅蟲蝶  
了了層峰翠罨眸

時向松邊依綠蔭  
便教石上勒朱書  
秋來不道吟情懶  
恰有雲山會起予

曉行即景

烟輕露重破秋天  
曉色催人柳拂鞭  
茅舍芻棚饒野意  
滌場築圃待豐年  
東隣杵相西隣杵  
秋社錢增春社錢

半載飽叅憂戚夢乍觀多稼一欣然

順義縣行宮對雨

離宮已蕭寂秋雨助淒涼一晌偏成憶千秋罷舉觴

去歲

春先皇后隨朕往盤山迴鑾適於此度千秋節云羽寒愁棘雀聲咽怨堦蟬遣撥吾原慣其如鎮攪腸

湯泉行宮疊舊韻

枉駕駐烟宮波澄天若空竹姿綠過雨花氣自含風今夕何多感昨年迥不同君平久物化誰與證窮通

米友仁雲山墨戲卷

看山愁步山巔  
岘看水愛聽水潺湲  
山水情似未浹洽  
與浹洽之雲漫漫  
元氣迴合絕摹擬  
妙境恍惚思躋攀  
真有子矣米海岳  
那能混之高房山

末用董其昌跋語意

王蒙青卞隱居長幅

無多溪壑畫常靜  
能使林嵐氣益鮮  
卞築何論大小隱  
不餐沆瀣也登仙

唐寅松坡高士卷

留侯已報韓仇日靖節終成晉隱時不可山中無伴侶  
虬翁笑謂捨予誰

題湯泉並蒂蓮

從歌獨旦懶聞雙何事芙蓉見暖江非偶物猶知偶合  
牽心我尚未心降忘憂草不生閒砌助感花偏對客窓  
颯沓西風銀沼面還教同付水淙淙

八月朔日秋分

夕月

少來當秋仲裡宗重夜明九經循白道萬物荷西  
魄將臨望虧輪本是盈銀蟾與丹桂齊語任閒評

暢春苑觀瀾榭作

雲軒三架敞月鏡一泓寬景物供尋賞來迴便問  
安瑤池常放權學海願觀瀾還憶

含飴日光陰彈指看

西風

西風一夜枕上聞凜秋感觸愁懷紛四時代嬗來

萬緣夢幻合必分重衾已覺輕寒切夜臺誰伴涼  
桂月光浮萬壽觴往歲歡娛忍重說

今年偏覺寒來早觸景遙憶劔南道黠武開邊夙  
以順應逆古有道金川地險碉寨堅遷延用致我  
運奇折衝無善術涓涓不塞慮因小彼地六月雪  
嗟哉士卒霜戈抱

新月

鉤樣中秋月未中較常時月迴難同香飄丹桂三千

成朔

復去

射銀潮萬道虹吳質不眠修玉斧嫦娥耐冷守蟾宮昨  
年光景分明似一晌睇吟悟色空

仲秋悅心殿

憑虛俯碧寄崇情爽湊高秋萬里晴漫擬堯樽傾北斗  
稍欣稷穡報西成向常應益歡娛際何事偏多感慨生  
即景也知饒豫象寫懷不覺譜商聲

夢

八月十四日

向者夢較可暫會生時面昨忽懵騰中夢臨觀德殿吁



更徹

所戒

帥老

片飛

界光

金匱石室書  
卷六  
嘻人之情安能久不變夢緣一以絕漬枕淚如霰

中秋漫賦

冰輪依舊照珠軒素彩寒光淨可捫萬里陰晴如有約  
一天風露總無痕關情最是團圓節即景偏傷黯淡魂  
急管繁絃同賞處常年樂事不堪論

題項聖謨天香書屋圖

小庾詩情老王法

黃鶴山樵亦有此圖

蕭蕭短幅寫無遺獨饒神

契不言處秋仲臯塗精舍時

香山玉華岫育桂最多旁構書屋二間因名曰臯塗

精舍

題丁觀鵬摹宋人明皇夜宴圖

沉香亭畔端正樓晝短夜長為夜遊  
三郎馬上真風流  
紅燭燒華不許睡彩翠瑩煌照天地  
一曲霓裳妃子醉  
歌傳白濁辭元清後來復有青邱生  
展圖欲詠遲予情  
菊

早看冒雨復欺霜爭發深黃與淺黃  
遲矣流陰催節物  
中秋纔過指重陽

我

皇考即位十三年而祖落倏忽歲月今復乾隆十三年

矣茲當

忌辰恭詣

泰陵致祭以伸哀慕發輟京師秋光助感馬上成吟聊

抒愴悼云耳

過紀光陰迅若流終身悲慕憶從頭

橋山雲樹縈清夢驛路風烟慘素秋霜露序更增永念

纘承責重凜

貽謀皞熙未致災常有一以懷慚一以愁

盧溝橋

秋深原減漲潦盡未澄波直接滄溟月橫陳永定河往

來常歲屢感慨此番多回首石欄畔傷心春仲過

今春幸山

東亦經此橋有詠

秋麥

連畦細細復芊芊綠接平疇蕩曉煙納稼應期欣有歲

服田轉瞬計明年四民久識農為苦二鬴常籌食是天  
冬雪春霖願時若愁懷對此且紓然

良鄉道中

一帶山已蒼兩行柳仍綠棟穗遺田疇禾稼盈困鹿今  
歲幸有秋雞犬萼村屋稍得民氣蘇未易淳風復行役  
豈偏喜時巡資問俗歷歷憶今春沉憂隱心曲

涼

一夜西風促峭涼純棉羣已換征裳郵程破曉霜華白

學圃經秋柿葉黃即景研搜句亦淨撫時根觸意  
行勝詎是携長卷年盡高詞得未忘

雁

春溪曾見雙雙宿秋宇重驚兩兩過懶與寫生傳  
洞庭歸去任煙波

河之水三章渡拒馬河作

河之水流以濁兮載摧載渡傷我心曲兮  
河之水濁以流兮載摧載渡歲月以道兮

度則知近矣企之斯遠矣西瞻雲巘矣啜予泣之

柳

官街種柳始李衛

乾隆元年易州路旁始種柳李衛為總督時也

拱把逾

陰蔽往來障日便行人果然樹木十年計婆娑霜

黃參樹猶如此人何堪柔條待取明春好無那傷

州道

題永慕齋

皇考泰陵建於易州初未置行宮也朕往來謁

夕傷

拈意

陵率用行營十三年於茲矣今思

皇太后春秋高歲時來謁無室宇以適

溫清於心不安因命置行宮四區自易州以達京師皆

有宜涼宜燠之居在易州者名之曰永慕齋並系

以詩用識初意

迤邐翠峰連行宮俯碧川非因避暑闢要為問

安便

陟降儀型在侵尋歲月遷西瞻雲樹裏佳氣鎮葱然



頃矣

時翠

葉綠

心易

皇考忌辰恭謁

泰陵致祭感成長句

孺慕終身憶始時西園一痛逮今斯  
十三年又堂堂過罔極思惟永永思  
淚眼那能瞻玉宸戀懷不忍奠金卮  
於昭萬古常如在日月經天治法垂

恭祀

泰陵禮畢將迴鑾徘徊增慕載詠三章

春秋

太室奉嘗烝悲助茲辰祭

泰陵

哀詔一番重展處

雍正十三年所頒

遺詔朕每逢

忌辰必盥手恭讀一過以誌思

慕之誠以凜  
繼絕之重

自惟何以副絕承

感切

忌辰逢歲忌

皇考即位十三年而祖  
落茲值乾隆十三年故云

淚乾悲已更

餘悲山蒼雲白秋林紫正憶西園泣血時

緬懷

治教十三年

蕩蕩恩覃薄海壖祭禮已成歸轡促夢魂仍在

鼎湖邊

迴鑾即景

迴望

橋山重去留蕭森風物凜高秋即省木葉連天下不禁  
心期特地愁至治未能臻復旦虛名早已悟浮漚觀風  
稍幸閭閻足曰教曰餘有後謀

石門店

跋馬石門店村墟颺曉烟今年秋好在前歲景依然

前秋

過石門店有詩示直隸督臣及羣有司

場圃無隙地華胥極樂天更看冬

麥播綠意遍遐阡

野橋帶霜迹茅店晃朝暉候冷衣裳授年豐雞犬肥可知吟裏景幾屋望中希豫大寧矜詡乾乾更勅幾

秋瀾村三首

築舍纔幾楹買地剛數畝度里一由旬

梵云四十里為一由旬茲去易

州永慕齋里  
數恰如之

迴鑒當路右村名愛雅宜秋瀾霜降後潦  
盡寒潭清風微玉波瀏生香餘野田澹靄帶踈柳度橋  
即得門憇宇聊開牖雕峻古所戒茅茨今何有

行宮新結構花木未云繁偏有冒霜菊叢生老瓦盆可  
愛田家物榮茲野憇軒柴桑呼欲出彷彿其人存

有收農亦苦納稼無休歇霜薺飽薩波夜火燃楮拙村  
村景象佳冬麥綠蓬蔚覽茲增額慶吟情因以勃青齊  
秋復可更解愁懷鬱

郊行即景

淡烟踈靄接郊垌，問稼常教轡一停。  
犁欲其廉勞欲再，尋常農語儘堪聽。

邇日霜華變樹滋，深黃淺紫鬪風姿。  
恰如秋杪灤河野，去歲今年有所思。

秋麥菁蔥綠映袍，翻犁預作早春勞。  
民艱欲補豳風什，不獨于茅與索綯。

涿州行宮作

千山遠作屏一水清而抱堦墀足松石節稅無山藻省  
方適靜憇汲古資幽討不獨容膝安已覺悅心好涿鹿  
正面南塔影秋雲表

倪瓚枯木竹石小軸

老樹生機息踈筠靜影澄槃陀文石側幾箇定中僧  
吳鎮墨竹

創出垂鈎法飄來寫月枝最是相宜處風前雨後時  
德勝門外

上

陵旋蹕御園來觀德迴看有剩哀路近因教來往數

入聲

却慙由徑遜澹臺

西直門石衢乃自宮幸圓明園之正路也今歲因臨奠觀德殿此路較近


故來往  
常由之

曲折村衢霜迹寒樹枝踈漏遠山攢輕輿半月重經處  
倏作深秋颯景省

來牟新綠入平臯納稼將齊比櫛高又見黃華籬落畔  
端誰賓客與題糕



薊門十里霽烟低景勝尋常西直西底事今年多假道  
應教他日不堪題



御製詩二集卷六

欽定四庫全書

集部

御製詩二集卷八

詳校官尚書臣德保

助教臣常循覆勘

總校官原任中允臣王燕緒

校對官助教臣蔡鎮

謄錄監生臣鄧洪繼

欽定四庫全書

御製詩二集卷七

古今體七十九首

戊辰七

秋季御園即景雜詠

依舊湖山景自分  
霽空澄朗絕纖氛  
風前錦樹披紅雨  
夏首青堤憶綠雲  
圖展鵲華懷勝賞  
鑪焚雞舌有清芬  
奏章每稔災由少  
稍慰祈年適靜欣

瑤軒汲古閱居諸  
明影踈櫺暖氣舒  
大邑甕瓶宜供菊

小團鳳茗當澆書夢綠孰辨蕉成鹿詩料何須獺祭魚  
即景茗華吟落葉

向作落葉詩命  
張照書已勒石

應嗤夙習未全除

莫謾霜華屐齒侵午亭閒趁一幽尋樓臺入畫成蓬閣  
山水當秋効靜深幾許崇情託遠跡無邊清况愜澄襟  
小齋新構名無倦擬欲書屏大寶箴

試詢造物意何為栽者培之傾覆之霜葉打窓晴亦雨  
秋山人愧畫無詩餘乾惕志常觀易無勝負心何礙  
菊秀松挺皆妙契底求仙藥事安期

新月

踈梧樓角影腫朧皓彩寒光滿碧空依然今夕是何夕  
已過中秋又欲中無端感觸增爾許只此虧盈竟莫窮  
黃花節屆西成美底較常年興不同

今秋各省告豐者多既慰以懼并示近臣

御宇十三年歷久知艱巨幅員既云廣豈無水旱處設  
存喜豐心必有諱災者叶每囑守土臣莫作文飾語帑  
粟常不惜溝壑藉少補今歲

天降恩遠近京坻覩偏祲只數州已勅勤賑撫江浙春  
米貴落半平其賈倉廩足河洛鴻雁蘇齊魯金川方用  
兵黔黎亦已苦更幸高下熟轉輸差易取嗟嗟我臣工

屢豐爾莫詡餘三亦謾言毋乃增其估

各省向於秋成時買補常平倉

穀市價頻增因命悉準康熙雍正年間舊額已足者停之教養固無施欲速詎其可  
叶  
永惟否泰機益增乾惕所

九月五日詣

暢春園恭請

皇太后聖安即視事於觀瀾榭引見於大西門其地長

樓橫亘即

皇祖曩時閱射處也爰親御弧矢集近侍諸臣較射時

惟深秋風高日晶氣候清肅弓手相調連發二

十矢中一十有九儒臣侍列與觀者援唐臣元

武闕觀射故事賦詩進覽因用侍郎齊召南韻

成四律紀之

暢春松栢茂南山

王母樓臺瑞靄間侵曉問

安欽養志競辰考政敢偷閒惟寅宗伯應輪直啟事山

公更合班

是日禮部值班奏事  
吏部亦帶領引見

次第指揮還有暇便教

玉靶一親彎

延樓橫嶺正相當遙見扶空樹葉黃

示儉已看霏細草縱禽底用獻長楊論文誰繼伯僑庶  
較藝原多斛律光安不忘危古有戒金川況未靖天狼  
憶年十二此呼嵩



聖眷靈承衆不同每向月輪能中鵠遂蒙

天笑亦頒弓

予侍

皇祖於此閱射時年甫十二蒙皇祖指授射法輒能發矢命中仰荷

嘉獎倏忽廿餘年矣

玉墀肅列猶駕鷺匡衛紛趨如虎熊我遜貞

觀能致治且循習射教臣工

秋原馭娖一鳴鞭遠入烟隄近柳前橫過綠殘紅重嶺

俯省雲白菊黃天幙頭導中誠堪笑

元周密燕射記淳熙元年孝宗幸玉

津園講燕射禮立招箭班紫衣幙頭立於塲前御箭之來能以幙頭取勢轉導入的連網周隄未

是田歷覽西成堪額慶敢忘兢業詡豐年

九日漫賦

斂雲溽露屆重陽依舊楓丹與菊黃不可無詩酬節物  
亦惟寫怨向秋光茱萸遍挿人應少鴻雁頻來歲底忙  
待欲登高心已懶香山西望數峯蒼

問景何妨破曉寒芳辰風物儻來看霜殷山色連雲壁  
風撼波紋響雪湍對菊忽沾今日淚題糕恰憶去年歡  
我慚杜老吟秋筆且數當秋強自寬

題倪瓚畫竹

風裏試披清奏籟月中乍展宛飛龍一梢已占琅玕性  
千畝如省煙雨重

立冬日香山靜宜園駐蹕

急景催風物名山散抱懷林疎見遠墅松好護幽齋泉  
帶冰聲冷菊含霜色佳目謀殊興會誰與巧差排

漫補登高約

今歲重九未至香山登高

聊抒望遠襟乾坤千古運天

地一人心契妙神常達忘筌思亦深衙官屈宋者祇道  
解工吟

遇閨渾移候元冥代白藏  
坳停縱餘綠谿勃早漂黃似  
畫排村落如墉在圃場  
即茲真吉瑞和叔漫呈祥

每逢節候

欽天監例有占風之奏然率用休徵亦殊不足憑云

### 玉華岫作

連峰多峭拔於此得坦麓  
照園建已古就旁聊構築  
斷手今兩年新筍率成竹  
據榻一室幽開窓萬景足  
陽莎未改青晚桂猶餘馥  
四時趣各異一晌會偏獨  
點筆泐寥天清風與同穆

即事

颯景近三餘閒懷聊一抒菊花依石瘦松月上窓虛鳬  
鼎烹龍茗蓮檠校竹書隔雲鐘度處始悟此山居

木落山容秀煙低眼界超便教吟朔節底用憶春翹玉  
軫誰能譜金猊適可燒靜觀欣有得直欲傲松喬

晞陽阿

即朝陽洞

古洞香山隩錫名曰晞陽盤盤厯曲棧宛宛成迴岡精  
舍構其間冬溫夏復涼四序無不佳斯時景最良一窓

暖日明萬嶂石林蒼水泉哀玉聲霜葉水晶光近郭與  
遠村烟裏辨微茫披卷晤古人獲我中心藏

夜

深堂寒不到落日山逾靜萬籟於焉息良夜即以永  
鑪凝通夕篆窓含古月影散悶惟觀書消閒亦烹茗忽憶  
蜀西軍頓使予心耿

雨香館

雲軒樹杪幾楹懸縱目憑陵萬景全漫道冬山偏寂寞

好因古澹見天然

題靜室

即香霧窟

香霧窟堪稱靜室最高處迥出凡塵

香山室宇惟此處最高

吟哦

舊句渾如昨慘淡冬山亦可人  
撫栢使同叅道筦聽泉  
直欲息言津風巖木葉蕭蕭下  
會待明年特地新

曉

冬夜難為曉山中曉益遲  
雞鳴谷響答月落樹陰移  
秉燭觀書罷臨軒問政時  
獨思夙興者毋乃太奔波

冬日遊香界寺

聖感西山西歲久惜顏敗去夏偶曾遊長詩紀其概布  
施發餘資非帑庸何害煥然茲一新易名曰香界落成  
來瞻禮苾芻騰梵唄於左構精廬小憩亦足快山木葉  
已落縱目窮衆態雖謝晚菊芳未改風松籟俯眺澗口  
溪一一分源派我聞金剛身圓成無與壞禪流頌悉檀  
忌墮妄語戒

寶珠洞



極頂何來洞穴深  
仙風吹送八琅音  
箇中疑有天龍護  
時作人間六月霖

是處真稱迥出凡  
天花馥馥落雲巖  
恰如觀象讀周易  
六位成章索得咸

天半軒齋一倚楹  
初冬風物值晴明  
即今一晌拈吟處  
何似去年望裏情

去歲至聖感而未至是處故云

大悲寺賜僧古梅

遊山喜值深秋暖  
過寺偶因香界迴  
雲岳鐘聲還斷續

月天闕影自崔嵬最欣淨室纔方丈恰稱禪僧號古梅  
設使翠巖重著語眉毛羸得白皚皚

碧雲寺

九月二十日

香土開天半雲垣築畝平坐窮千里目葆

平聲

檢九秋清

霜後松生翠風前瀑怒鳴自非來淨域誰解息塵情

佛日增輪奐

重新碧雲寺  
以是日落成

霜天湊潔鮮六檀非所論萬

景得教全似畫開屏寫成詩磨壁鐫石橋今又過忽憶

虎溪邊

九月二十五日奉

皇太后還宮之作

園林秋老法宮旋室處聊賡七月篇一喜

萱階輝愛日空悲

椒壁慄冰天霜寒苑卉餘籤菊夜永宮壺數漏蓮即漸  
履長將獻歲芳辰未至已愀然

夢

月宇誰為鉢星宮獨自歸設云全是幻何以淚霑衣

孟冬時享

太廟

元英纔節屆

烝祭以時將

太室卿雲煥

五朝帝烈光追思曷有極一脈永流慶制治慙成泰書

年辛告康

今歲各省告豐多而報災少用是稍慰云

惕乾心久切儀式志寧

遑

愾儼相通處惟祈我武揚

是時金川餘孽未靖  
正值命將出師故云

賜傅恒經畧金川

壯齡承廟畧一矢靖天狼  
番部最爾蠢王師武必揚  
慰予西顧久嘉汝赤心良  
捷伐敕么寇撫循集衆長  
斯能成偉績用幹不庭方  
佇看銷兵氣敷天日月光

頒朔

午門晴旭麗瞳矐頒朔威儀集百工  
東鰈西鷄萬邦奉宵衣肝食一篇中  
春秋無那成今昔箕畢還因協雨風

消息貞元頻靜驗統天一氣運無窮

明窓

冬日故可愛況在明窓間網軒靜微風蠅牖散嫩暄歲  
功驗玉燭時序窺銅渾三餘于焉適萬幾聊以閒陡憶  
蜀西軍遐心數往還

批摺口號

每覽報豐常意喜及批告歉輒眉顰非關片刻心無定  
愁亦由衷慰亦真

陰

瓦鴛霰先集天衣雲作同漸欲韜盾日且喜收褰風今年秋麥佳近遠綠芑芑三白倘應時可卜來年豐欲速習未除盼雪先三農凡事豫則立陰晴課初冬

李山風雪杉松卷

千峰如睡玉為皴落落擎空本色真茅屋把書寒不輟斯人應是友松人

鄒復雷春消息圖即用其韻

一氣為春去必回誰將消息付寒梅蕊珠仙妬女夷巧

偷先

去聲

東風特地來

題黃色辟邪玉圭

方水生瑤瑾雲英靜以腴截肪奚可喻蒸栗得曾無猶

見先王制如逢君子儒何須檢唐史附會詡天符

是玉人稱

為元黃天符按唐肅宗本紀載楚州獻寶玉十三一曰元黃天符其制上圓下方近圓有孔今是玉上下俱方兼有二孔規制不侔殆後人附會之說云

盆橘



是樹自盤山天成寺携來層臺團團頗異凡卉育  
之凡五年矣

盆橘携霜色垂垂朵殿中層臺猶纈綠數顆已標紅傳  
說寧成枳題詩或寄筒天成白雲外遥謝一窓風

奉移

孝賢皇后梓宮於靜安莊淒然神傷拭淚賦此

鳳輶平明將奉移欲留不住我心悲幽宮閤殿仍同叙

慧賢皇貴妃哲憫皇貴妃舊安別殿是  
日均令附於皇后之旁如昔日也  
舊感新愁並一

金少府集卷七  
時廿載恩情惟夢會千秋

懿德盡人知重垣縱復如中禁腸斷荒郊朔籟吹

偶仿項聖謨松濤散仙卷為小幅輒題其上

隳括長圖意松濤宛散仙飛蘿籠仄澗落葉逐流泉太

古無朱夏一峰凌紫煙何妨苔壁上又識戊辰年

聖謨於圖

間石壁上題戊辰年為是圖今歲又戊辰故云

孟冬上旬於瀛臺賜經畧大學士傅恒及命往蜀

西諸將士食並成是什

大清聲教暨遐陬豈有來王稽蜀酋黷武開邊非我志  
安良禁暴藉卿謀行軍吉值初陽復賜食恩同湛露流  
轉瞬明年擒娑虜還教凱宴侑封侯

初冬瀛臺即景

蒼松夭矯石嶙峋景物初冬亦可人  
雀舫已收牕塢裏  
冰牀未出凍溪濱

縹緗葉儿愜澄觀橘月菱窓暖不寒  
敬業樂羣當日事  
年來此景更逢難

菊芳已歇未開梅朔景靈臺一竭來却憶前年淑清畔  
撚牋仙侶共流杯

雨

開冬猶暖雪為雨入夜連纖響砌筠遙識明晨縱遠目  
西山應有數峰銀

雪

十月十三日

同雲未肯放冬晴凍雨均霑繼瑞霽著地消融無定態  
隨風飄舞可憐生駕樓有玉皆垂珮雞樹非春率鬪榮

卜麥慰餘饒韻事竹鑪文火煮三清

知時好雪值冬初破蔡明年此兆諸

是月十日於瀛臺賜經畧大學士傳

恒及諸軍士食天氣晴和恩流湛露朕意於數日內若得瑞雪足為明年破金川嘉兆今未逾三日得雪既用占歲更愜軍祥樂孰如之不數舞隨曹植馬所欣瑞點晉公裾評將

形色清無比目極鬚鬚勢有餘却想臺懷駐輦處

前年幸五

臺亦於孟冬遇雪

松崖積翠景相如

冬夜涵元殿

下春落金翼暮靄散煦黃溫樹穩棲鴉冰疏含夜光雪

後景氣清壺中松竹蒼朶殿迥天半猊鑪避朔涼玉琴  
靜徽軫斐几堆縹緗居稽聊自得晝短欣夜長三復蟋  
蟀詩好樂期無荒

補桐書屋題四琴之作

舊桐已枯命工斲為四琴名之曰瀛蓬仙籟湘江  
秋碧皋禽霜唳雲海移情既成匣而藏之仍置補  
桐書屋中徘徊感舊輒以命篇

愛爾特生質成琴亦足豪七條龍在軫四美友成曾非

變休稱蔡有弦何礙陶即省題句者兩髻點霜毛

靜宜園駐蹕

金川久逆命有征遣王師臨衝習古法茲來閱熊羆子

弟夙所稱

時命八旗軍士就西山所有舊礮習雲梯登城之技以為明年破賊用藝既成將屆出師

故臨閱之且行賞焉

有勇方兼知肉薄無堅城先聲諒在茲就近

宿香山名園號靜宜冬山雖寂寞松竹餘丰姿谷風峭  
且寒復陶猶不支嗟嗟我征夫嚴冬將發輜人土非所  
利善守在四夷是役豈得已予心衆諒之敵愾藉人和

助順憑

天時地利詎足守擒虜夫何疑

金川所恃者地利彼得其一我得其二成功在

指日 勗哉鷹揚旅策勲竹帛垂

夜

靜憩剪繁欣夜永怒號隔戶識風寒今朝未陟高峰頂  
興寄白雲阿那端

刻漏

刻漏丁丁不暫停眼中隙影耳中聽例將三萬六千日



漫擬求仙駐妙齡

嘲梅菊

梅之能止於衝雪先其時非所知也菊之能止於  
傲霜華於冬非所知也藝圃者逞其能於是護菊  
凋而助梅長有盆梅盆菊爭榮於一時者竭然見  
之不能無言其亦通於用人行政之方歟

先去聲漏春光如自喜  
斲留秋色了無愁  
如何卉裏孤高

種也做偷寒送暖流

難待徵君寒放鶴  
早過賓客醉題餽  
失將梅菊本來面  
未必濫觴非汝曹

菊秀梅貞自可憐  
護凋助長使爭妍  
却虞後鮮真梅菊  
為想橐駝順木天

題周鯤仿唐寅終南十景圖

金碧潭

泓貯天半百道飛  
峽側林霏紫翠光  
風激金碧色高  
人坐槃陀勝飲八功德

草堂

屈平未沉湘杜甫猶客蜀千古只一室幽棲景芳躅蘿  
逕人跡稀吾書吾還讀

倒景臺

迴躡雲霞表下視日月行輞水淙絕崖砦然天樂聲茅  
龍立可騎無須九轉成

樾館

喬柯富嘉蔭結宇堪晤息清風與明月靜觀皆自得一

編在手中世人應不識

桃烟廷

勃谿無畝平結此桃烟廷與俱惟顯氣永鎮芳太寧杖  
策層巔者不舟而武陵

雲錦淙

有石白可漱有泉清可枕微風時拂之澌澌疊雲錦至  
樂合杳冥浮榮何冉冉

洞元室

穴崖以為室偃仰其中處有客抱琴來或是成連侶神  
契妙叅同軒軒興霞舉

滌煩磯

萬木鬱蜚雲衆泉泌鳴玉拂軫試一寫不作招隱曲境  
寂夫何妨高人樂事足

羃翠庭

疊樹不論層蔚作羃翠庭霏烟幾縷白漏天數片青重  
見蘇東坡攜來擇勝亭

期仙磴

科頭倚澗松澗草幽蒙茸解黻適素襟水碧希仙踪  
仝羨望未至白雲重復重

冬至齋居

齋宮仍几此清哦真覺光陰迅織梭靜裏檢量一歲事  
何期樂少祇憂多

詣齋宮

玉瑄陽將復金街曉不寒綴先考五輅儀衛肅千官

是歲

定遵豆從古式並考五輅大駕之度命  
昭德夫何有正  
以  
南郊大祀為始一遵新制云

### 名斲所安辨香瞻

### 帝載祭位儼

穹壇

詣齋宮則視壇位數歲來每行之而  
咫尺不一拈香瞻禮于心不安故去歲降旨命廷

臣考古準今復定視壇之前先詣  
香行禮並親視遵豆之儀於禮為脩稍愜惓誠云  
齋室

清心坐窓曦舉眼看明朝修禋祀兢惕志遑寬

### 冬至

### 南郊述志

寅祀

南郊殷薦陳鉶遵依古制更新

國朝一切禮儀率依明制郊廟所用祭器

徒存其名皆以瓷盤代之相沿未改亦不知始訛於何時朕以既用其名宜脩其物特勅廷臣議更古制今冬

至大祀始用之於

南郊

一陽資始月纔朔

月二日冬至

自是而諸祀皆用古禮器矣

六琯均調歲復春昭格敢云歆

上帝敕寧端藉任元臣維揚我武邀

靈貺即省書勲閣起麟

金川本非勁寇祇以用匪其人以致久弗成功茲大學士傅恒

忠誠夙著立志滅寇故用為經畧託以干城師行之吉卜於月之三日適以預日大祀南郊儼對越於咫



尺希慈佑之昭明曷  
勝有顓惟期底績云

### 南苑行宮晚坐憶經畧大學士傳恒

依然庭宇靜，竭爾研甌閒。一室澄心處，兩年眨眼間。

南苑

未至蓋二年矣衝寒懷碩輔，此際歷重關。所願明天討，成功指

日還。

雪

十一月  
初九日

伊余有宿心，對雪無不喜。今歲已兩逢，此復勝於彼。恰在仲冬月，偶駐南海子。銀旬致更佳，玉林花散蘄。豈惟

金匱要略卷七  
縱目欣為愜祈年美念我同心佐率彼諸軍士驅馳冒  
嚴寒縈懷曷能已

經畧大學士傳恒舟渡蜀江賦詩呈覽用其韻答

之

若濟常殷擬巨川平菴今復率師前行旌冬發真勤瘁  
露布春傳此佇延遙度應臨滴博壘底教稍遲去聲蜀江

船四川驛站所辦不協故稍遲行程數千里外寧睽隔心在丹楓玉馬

邊

立春日春帖子

駘宕舒宮柳，芬馥放殿梅。  
三陽先月應，萬福共春來。  
暖化蓬婆城外雪，晴開滴博戍間雲。  
初韶恰並新祥至，三捷應教一月聞。

除夕

省歲恰當改歲時，官家遭際兩評之。  
今年頗覺吟情懶，此夕那堪往事思。  
願共壑蛇除舊噩，喜因仙木亞新禧。  
聲聲爆竹連晨發，火報金川奏凱期。

御製詩二集卷七

欽定四庫全書

御製詩二集卷八

古今體九十五首

已巳一

已巳元旦

曙色蒼蒼五鳳城  
晏溫初旭玉樓晴  
百年歲月逢元旦  
九寓車書奉大清  
嘉祉載吟椒頌句  
春音佇聽凱歌聲  
三辰新轉祥符肇  
六氣均調物象亨

新正試筆

履端首祚肇昌辰歛時五福錫庶民三百六句中一日  
富貴貧賤皆欣春春雷送響飄瑞葉唐花底用催三疊  
青皇布令穆其舒有脚韶光熙以捷捷轉韶光實快哉  
花牋綵筆吟興催東風吹西觸物迴迅共西川凱報來  
遣興口號

宜入新年百事新底緣不見舊時人吟詩將就成易句  
即景勉強酬光春綵旛銀燕迎七日翠匣珠盤試五辛  
拂面倩爾東風力吹得雙眉莫遣顰

新正重華宮侍

皇太后膳

開紀亞新禧承

歡敢後時青陽臨左个

王母降西池許案還增感萊衣勉自持  
畫屏層鏤勝寶樹疊分枝花艷先春  
蔭燈光入夜披更期三五月輪滿  
泛瑤卮

大學士張廷玉年幾八袞猶日趨朝念其敬慎夙

著特加優禮命五日一入內廷脩顧問如宋文  
彥博故事更成是什以勸有位

職曰天職位天位君臣同是任勞人休哉元老勤宣久  
允矣予心體恤頻潞國十朝事堪例汾陽廿四考非倫  
勗茲百爾應知勸莫羨東門祖道輪

新月

非初盈亦非初缺似眉細復似眉顰千古月更千古節  
一年新見一年春佳辰不改便娟景綺席難逢伉儷人



擬向曇花叅指處色空空即息根塵

即事

即事多欣我底然火蛾玉蕊又韶年那無對景懷偏感  
尚有吟詩癖未悛靜聽六街喧爆竹強教小部按冰絃  
宵分不寐銀檠下為問飛章報蜀川

漢玉半壁

熊熊乍認朝霞觀規規半露秋蟾暈桂生不斫吳剛刃  
葆光蘊漭沉以潤擊之豈減雲甯韻庇蔭嘉穀贊靈運

球圖之間永為鎮寸陰是競式前訓

郎世寧玉鷹圖

玉鷹下秋宇棲必老松枝竦視無空濶飲身愁鵲鷗風  
塵誰許識條鉸詎能羈擬問蘭臺令奚稱白雉詩

張若澄灞橋覓句圖

打頭笠子冷堆銀携得梅花過凍津誰道古今不相及  
又逢覓句灞橋人

人日

淑氣鬯光春從頭萬事新開韶初得日來復即為人疊  
勝花堆玉翔屏燕鏤銀情田在容保治理慕和淳  
麗日條風際龍池鳳閣邊梯楊初淡沱溫卉已薦繇無  
賴當新節那堪憶舊年靜安朝奠返今日倍淒然

無題

一例韶光同不同倚楹竭爾向東風萬幾就理心無倦  
七字成吟興有窮邇日邊情縈遠夢當春捷報賴元戎  
兩階干羽重華德緬想前徽遲待中

雪

穀日占三白開年第一祥  
瓊華連翡翠冰柱綴鴛鴦  
易化應春律當空助曉光  
蓬婆偏不藉遐意憶西方

閒題

拙速渾無速巧遲獨有遲  
常年饒即景邇日特艱詩  
節物元宵罷飛章子夜披  
賢臣勞鞅掌旋凱定何時

辛日

祈穀壇禮成敬述

祭以祈年重淵衷倍恪欽燔柴期有假捧璧惕

如臨籩豆爰遵古凜盛匪自今年年躬

祀事切切勵初心

上元夕即景

帝城三五景韶妍即景翻教情惘然佳節風光思往歲

御園烟火待明年

今年以後喪未踰期  
歲烟火之事例弗舉

牽愁椒殿徒

珠綴獻

壽萱庭自綺筵捧爵退階剛月上玉輪好在故團圓

唐寅清溪垂釣圖即用其韻

山叅常靜雲叅動水任其流舟任停底用蕉邊尋鹿夢  
聊因魚樂狎鷗汀

雪

密瀟徐飛三日連玉霏盈尺積鱗田縱無白戰搜吟興  
可少春來紀瑞編

大學士傅恒經略西川欽忠宣力誅渠魁破堅壘  
申明紀律大振軍威番酋窮蹙乞命經略大學

士銳意蕩平未允其請朕宏解網之仁下詔班  
師召大學士還朝襄贊勞績茂著詩以賜之

安邊底績本丹忠請命番酋勢已窮上將有心期利執  
大君無物不包蒙那湏一月聞三捷早覺千忻達

兩宮晉國勤勞予廛念速歸黃閣贊元功

毆鳥何庸盡覆巢好生天地德含包歌成宵雅八章句  
著得同人九四爻兵洗蓬婆春淡蕩首稽獬豸面頰顚  
蜀民安撫勤籌畫心契元良泰陞交

詠水仙

只宜烟浦更雲涯  
溫室清芬特地佳  
恰似集靈會王母  
玉真勃窣下瑤階

鼇山

萸萸春恒識韶華  
夜自吟慣生空裏  
象解幻古為今火  
樹爭璀璨冰泉細  
酌斟靈通能爾絕  
未免有機心

雨

候暖因逢閏濛濛  
散雨絲洗兵真是喜

是月十七日降  
旨允娑羅奔降



罷金川之師故云

布澤可稱時膏遍南東  
畝波添魚添池今年

春事早舉趾恰相宜

經略大學士忠勇公傳恒率師進剿番酋忠誠奮  
發志期殄寇執奏再三朕揆勢度理以允降班  
師休兵息民為經國遠計彼匈奴未滅何以家  
為者乃票姚貳師輩武人銳往立功之概大學  
士輔弼元臣抒誠贊化名耀旂常正不必與兜  
鍔閫帥爭汗馬一日之績詩以示之

三面姑開格蜀夷來調說鼎佇期之集思廣益卿誠踐  
勤遠勞民我不為武豈佳兵應戒彼績惟和衆孰同斯  
功成萬骨枯何益壯志無須歎貳師

雪

暖融雨浙浙寒凝雪綏綏猶是孟春月雨雪咸所宜雲  
容不放晴物意潛含滋渥澤遍遐邇造物恩無私屈指  
幾年來曾不數入聲遇之卜麥樂無斁祈農志彌寅

填倉日

已是傷神日猶然韶景春三年纔過忌週歲又思人

同明

園內韶景軒慧賢皇貴妃所居也妃以丙寅年填名日仙逝纔逾三年而孝賢皇后天遊又將洪歲遇節興

悲亦情之不能已也

悲喜曾何定平生難具陳無心饒苑卉特地

更懷新

二月朔日

青陽臨仲朔韶律正光昌樓雪融成液宮花暖闢芳銀  
屏收綵勝鈿砌接鴛行籌治惟增惕劬農願降康佳兵  
茲已戒文德未云遑風色東來惠心期西去長

聞雁

冰含太液未全消，迴雁初來澤國遙。  
疑是戍人愁蜀道，數聲聊爾為宣驕。

山桃

春來無興問芳華，苑監鉅擎幾朵斜。  
恰似前年新雨後，去歲東巡今春又未幸園明。  
園條忽花期已逾二歲矣。一枝紅影綠窓紗。

漁人未許言歸日，佛子不禁微笑時。  
云謝云開都不管，年年常自與春期。

靜安春淚寫無踪底覩山桃試治容懊惱轉教添爾許

青齊驛路憶相逢

去春山東道中有山桃之作

美人塵土都成例花事今春似有緣

往歲開山桃時多風靈故予舊作有

東風有意桃知否例妬芳條占早春之句今春輕陰薄霧花事較佳而適以軍務縈心未命行春之蹕故云

偏我行春辜宿約勞心日夜到金川

經略大學士忠勇公傅恒賜第在東安門內迤北

朕命將作為之經理今奏凱還朝適屆落成為

紀一律賜之

票姚賜第落成新歌凱歸來得意春上將鷹揚今奏績  
諸軍鳬蒸久懷仁攸芋君子熊羆夢畢駭酋涂甸臣  
從此坐調熙世鼎敷予教澤萬方均

題秦漢玉章

巧合豐城劍虛傳定武碑象牙渾覺脆金薤敢稱奇印  
統符秦漢

玉章十有六為秦璽一漢印十五  
考之秦漢印統文紐大小悉合

籀文辨史

斯如逢八元凱可不共疇咨

郭外

郭外烟光散曙林  
眼前風物助悲心  
綠含嫩草亭臯曲  
春闕重帷路殿深  
夢境去年徒想像  
惱人韶景又侵尋  
泰山土壤曾何異  
自咎無端六御臨

草色

邇日未行幸不知  
春色來今朝鳳城外  
綠草迎人佳舍  
烟繡村籬浥潤霏  
塍隈苑枯誰為之  
消息有是哉觀象  
得至理韋編不須開

春仲經筵

瑞日輝春曉不寒特開廣殿集衣冠舞干未逮重華德

放馬何期遠服安

近因金酋稽顙乞命特命允降班師故云

小往大來成泰

運推人盡已具心官

是日講四書夫子之道忠恕而已矣及易經上下交而其志同也句

申咨魚雅章縫侶莫作崇儒例事者

### 漢玉圖章歌

他山之石琢磨之古文繆篆精且奇不一其人亦異時  
何來蒼萃珍無遺如入五都紛陸離組檢錯見龜螭螭  
切牙鑄金徒爾為印統漫惜差毫釐刺舟求劍達者嗤



一再考玩有所思抑埴者誰葆者誰

春仲瀛臺

幾閒清蹕幸瀛臺行樂熙春亦快哉鏡裏軒樓如畫裏  
秋迴鳬雁到春迴鳥能言勝蠻絃譜花自裳非羯鼓催  
邇日西川聞凱報得教福地一徘徊

二月十四日經略大學士忠勇公傅恒奏報金川  
番酋莎羅奔狼卡携其徒醜相率隨提督岳鍾  
琪以二月初五日親詣軍門築壇納款匍匐稽

穎永矢歸誠經略大學士升帳受降開誠撫諭  
遠近番漢官兵觀者數萬衆靡不歡呼忭舞膚  
功克奏邊境牧寧露布驛聞喜而有作

止戈為武信其然我澤如春經略宣共喜捷音來玉闕  
何殊俘虜自金川番酋路左心傾服軍士行間氣倍鮮  
單騎汾陽休比擬都因忠赤格

穹天

花朝放歌行

去歲花朝客中度驛路煙光看似霧青旗步障繼未張  
節物春郊欣共遇今歲花朝居法宮一例韶辰興不同  
枰閣錦衾仍有爛葯欄紅雨了無踪花朝花朝嗟爾胡  
為乎來哉亘千古祇此日子鮮教人喜多助人哀所以  
釋迦老子證無生忍於此日度未來世均令形如槁木  
心如灰

陰

邇日常作陰足覘天地和北方艱春雨慮少豈慮多孟

春膏澤普生意綠婆娑仲月已過望舉趾聞農歌決旬

知可待朝暮早延俄籌邊慮稍紓

通日金川奏凱故云

祈年憂則

那

夜雨

晚風收樹杪夜雨灑窓前疾點聲方壯徐零勢復連時  
哉真愜望喜矣不成眠明日新晴好耕犁徧大田

清明日靜安莊酌酒

殢人春節感無端助感那堪酌靜安正是朝來傳禁火

兩眶清淚一心寒

青齊客歲魂堪斷同去誰期便永分  
小杜七言真觸景  
清明時節雨紛紛

題金鉉白鷗話舊圖

迴峯合沓隔塵界古木槎枒蔭夏寒  
著個危亭筠塹畔  
祇宜靜者結金蘭

吳應枚摹王維江村雪意圖

瑞霏作勢正瀟瀟凍浦漁舟不可招  
曾識王家真面目

畫禪室藏王維雪溪  
乃董其昌鑒定真跡  
試尋蹊逕未云遙

御園春仲書事

行時來御苑泛舸溯仙津  
雪嶺方銷戰金川已化仁  
敢忘心益凜嘉與物偕新  
駘蕩青韶景芊緜綠草茵  
雲容頻欲雨花意不勝春  
曉日臨勤政疇咨引席珍

含韻齋玉蘭

迎軒木筆發華姿  
細雨前朝與濯枝  
且喜未曾開爛漫  
恰教聊此對依遲  
謝家庭砌真無匹  
江令風流能爾為

寂是常年歡賞處一迴清睇有餘思

雨

春霖三日繼膏澤邇年無韶景添瓊苑新波漲御湖著  
花渾濯錦益麥勝垂珠

天眷真優渥欽承勵本圖

不疾不徐勢簷聲已細斟烟光春樹合黛景暮山沉米  
畫迎眸賞周詩即事吟賢臣雖跋涉喜雨定同心

侍郎沈德潛以能詩受知因命編校御極以來詩

集既竣事念其年將八袞許之歸老吳中賦此  
以賜

清時舊寒士吳下老詩翁向每誦新句猶然見古風行  
歌非杜誤晚達勝郊窮三載春卿署扁舟故國鴻還朝  
嘉爾信毓德啟兒蒙

德潛侍諸皇子講讀前年請假南還慮其年老將不果來後竟如期

赴闕朕甚嘉焉辭老思尊碧遺榮解組紅豈能頻強起且以風  
聲謙冲近稿經商榷相知見始終

聞山東得雨



青齊民事正籌斟大吏封章報好音去歲災黎猶在目  
今年春雨最關心稔知麥隴深含潤喜復禾田早被霖  
敢恃

天恩矜愜意祇承嘉貺倍增欽

建福宮紅梨花

不計香風幾度頻嬌紅嫩綠各爭新  
最憐雨後偏饒韻  
底事春來易愴神  
葉態花姿剛相入  
稱蜂衙蝶陣豈無  
因一枝佛鉢堪清供  
便欲因之悟六塵

豐澤園演耕

帝耜耕將舉苑卿甸早治多因重稼穡詎祇習威儀沃壤南東矣新犁往復之鳥鳴春欲半蠖屈土全滋農父

荷鋤立親藩布種隨

演耕之禮自則司農布種三王五推此則率以

皇考始之耕耜

親藩布種用訓勸農遂成典制云

滄雲欣有渰膏澤被無私每以試耕

日頻思觀禮時幽郊宛在目不必詠周詩

仲春瀛臺即景

輕雲遲日試耕天豐澤耕餘一泛船鏡裏林花舒艷裔

雲邊樓閣隱神仙  
智仁樂處山子水  
飛躍呈來魚與鷺  
書屋脩閒甌硯淨  
每教清蹕為停延

耕耜日作

吉日臨柔亥親耕  
舉暮春崇班率三  
九本務倡臣民周  
禮威儀具幽風景  
物新雲容將釀雨  
膏澤應經旬

夜雨

已欣雲意濃復慮  
風勢作今春勝往  
春便晴不為惡而  
我重祈年霑足心  
乃樂入夜鳴條寂  
泠泠聽約略竹葉

聲乍傳簷牙響爭落喜劇不成眠  
邀心到村郭及晨試  
新耕雀忙當何若

雨中太液池泛舟

太液新蒲拂畫船  
兩行水樹菴朝烟  
浥枝潤葉知時雨  
列坐流觴上巳天  
鳥奏繁音爭管急  
魚鳴錦浪感紋圓  
前朝豐澤親耕罷  
却喜甘膏渥美田

題盆中偃松樹歌

一拳之石泰華同一勺之水漠渤通於何見之於盆中

一株天下無真松問年火劫為始終問形勢欲擎雲壺  
春風秋月鬱蔥蔥梢為華蓋身為龍不隨綺里夏黃公  
漢廷待詔來東方叶鐵榦碑砢神以豐憶我盤山曾道  
逢又憶貌者蘇髯翁東坡有偃松圖石渠寶笈中神品也前過定武時在  
冬吟哦雪浪興不窮石盆宛在翁無踪松乎松乎翠自  
濃

經略大學士忠勇公傅恒奏凱金川率領諸將士  
還朝錫宴豐澤園用昭飲至之典即席得長律

一首

卡撒功成振旅歸  
昇平凱宴麗晴暉  
兩階千羽欽虞典  
六律宮商奏采薇  
湛露應教頒幕殿  
甘膏更慶遍春畿  
持盈保泰咨同德  
偃武脩文凜勅幾

金川歸命實惟

列祖篤祜垂庥已  
遵循令典遣官告  
祭復親謁

孝陵

景陵

泰陵用申忱悃以三月十三日發京師駐烟郊途中即

目成咏

遠服歸王化

宗功實式憑當春嚴法駕擇日上

先陵陌草青無盡堤楊翠欲凝迎昨膏壤潤乾惕倍因  
增

麥

今年天惠均春膏近遠同適以武功就展謁駕言東漁

陽四境間二麥皆芄芄綠意含風新生機飽露濃屈指  
十三年此景得未逢餅餌或可期倉箱詎易充樂歲志  
云慰憂民心曷窮

題翠雲山房

翠雲山房間以靜暮春清蹕一經臨連林新綠間舊綠  
入戶泉音復鳥音景齊今昔邈澄觀去聲興寄烟霞悅道  
心擬驂巖鹿凌絕頂見人薦入青楓深

桃花寺晚坐



迴蹕駐林齋悠然與意諧  
泉聲經雨壯山色為春佳月  
白新縣鏡松黃半落釵  
前年曾靜憩今夕更澄懷

薊州道中作

薊州南郭經行處每有新詩賦  
物華十里綠陰籠客路  
一灣流水護農家

警蹕何須戶盡扃問農常為六驂停  
今年春雨欣霑足  
下隰高原一片青

去歲冬月駐南苑行宮有憶經略大學士傅恒之

作茲以金川平定恭謁

孝陵

景陵迴鑾取道南苑往易州恭謁

泰陵駐蹕行宮見壁間舊題輒疊原韻

早傳三箭定稍得萬幾閒迴蹕經臨便逾年想像間軍

聲揚雪嶺興頌溢桃關

經略大學士振旅而歸成都士民迎至桃關歌頌載路此所謂

父老扶杖以觀武成者乎離聚何須論心同孰往還

蔭榆書屋作

地僻一室幽春深滿院碧生機老益堅麤皮古而澤我  
來對貞餘拂我琴齋席窓外弄影踈庭前吟籟劇別我  
曾幾度風月等過客興會發今宵景光緬疇昔

春蘭

春蘭今日識其真一種王香最可親底事閒情遙望古  
竭思澤畔品題人

過盧溝橋

石橋雁齒度盧溝兩岸來年綠正稠風裏荻蒲颭遠淑

春來鷗鷺滿橫洲閒心無那悲歡緒野水依然左右流  
東去直教滄海達誰能一葉放扁舟

良鄉行宮晚坐

離宮據平楚結構成巧竒頗欣軒宇幽駐蹕適所宜春  
風三月和宰地綠楊枝尋途得其門入室寒我惟我几  
淨以陳憑之吟我詩猶憶去年秋蜀川羽檄馳謁

陵曾駐此籌邊勞思維爰命同心臣為我視六師啟行  
舍縣城五里近在茲南望塔影孤尚餘離別思何期三

捷迅振旅歌采薇匪惟慰契濶亦用紓疇咨休養有後  
圖遑敢弛敬寅

射

離宮停蹕多餘暇每集親臣射廣場德可觀予因以習

武雖偃矣未宜忘

時方平定金川班師奏凱

清和節近遲行漏楊柳

風輕試淺涼儘有鄒枚屬車後載賡催進角方章

秋瀾村

村喜秋瀾名不俗來當春日景多清蘅臯蔚雨生機滿

松嶂橫雲盡意迎

永慕齋作

展謁東旋此屆西

二陵王氣鬱蔥芳  
昌勝永慕攀

軒劍實藉

洪禧定狄鞮歲久綠楊陰滿路  
春來膏雨潤霑犁  
適日憂心釋略得吟情觸緒題

巖館高閒足靜怡  
雲軒月戶恰當之  
紅稀流水落花際

綠重殘春首夏時，幾務不遑心自勑。  
好書隨在手，重披明朝禮畢將。  
旋轡瞻戀寧關惜景遲。

夜雨二首

有滄山雲傍晚濃，春霖兩度謁

陵逢

昨東謁展謁

孝陵

景陵之日曾遇微雨今將

考示歆乎慰感之餘益深敬畏

洗兵慶洽寰區願

嘉貺欣承勉敬恭

方塘如鑑寢齋前，點滴聲宜枕上傳。  
且喜一犁深益麥

何妨半夜不成眠

董邦達山水小幀

林岫空亭

笠檐四柱絕纖塵嵐靄峰巒變態新  
底事亭中無坐客  
讓他千古看山人

孤石蒼筠

青牛經雨莓苔潤綠鳳因風韶淺鏗冰雪雅懷深  
契處  
介然靜復灑然清



松雲蔚秀

丹青奇絕由心匠  
寸楮收羅萬疊山  
我亦因之步松徑  
翠微深處每忘還

平林翠黛

藉甚倪迂與大癡  
筌蹄忘即兩無之  
平林翠黛無多景  
雅稱詩人意與遲

溪村晷畫

携得行滕便靜觀  
溪村即景對秋澗  
板橋夜雨添新漲

茅屋晨光轉薄寒

梧竹延清

小立無須信步行  
蕭然梧竹喜雙清  
曛黃未肯尋歸路  
為待宜人古月明

蘆磯獨釣

石磯踞餌荻蘆蒼  
詎為槎頭縮項魴  
無盡烟波傲風月  
任教清濁付滄浪

霜林步屨

漸染濃青作淺紅  
蓂莢繪事比春工  
詩家體物誰深造  
小杜風流老杜雄

烟巒疊翠

几上誰教萬嶂橫  
許多溪壑許多情  
恰如詠物初無句  
意到淋漓信筆成

江濤帆影

名山入剡一帆收  
怨婦何須祝石尤  
只有江濤千古在  
春花秋月自東流

寒雲梅塢

不放雪來虞遜色却遮風去為留香  
凍雲未是無情者惜玉應教獨擅場

松崖苔磴

揀擇雲崖結草亭威紆翠巘遠為屏  
長松落落發天籟便步丹梯試一聽

夜

行宮瀟灑地春宵偶棲遲軒閣靜以佳  
起居適所宜萬

竅聲既息封章亦罷披寶鴨蘭烟爇銀繁蓮燄垂迴憶  
一月前頻問羽檄時夫豈願佳兵曾聞詰戎師集事賴  
賢臣革心徠遠夷居安益兢兢永言念在茲

良鄉道中作

前蹕盧溝近行旌易水迴蘭衢經雨潤麥隴望秋來往  
事何多矣今春差幸哉心源稍濬淪觸緒一吟裁

張若澄仿王蒙松澗鳴泉小幅

飛流出峽鳴偏壯偃蓋過雲翠更濃憶我昨秋策輕騎

中盤精舍邨邊逢

三月二十九日作

陰陰苑樹新霏綠  
敕敕蹊花亂雨紅  
九十三春修已過  
去年今歲過難同  
孰為有住孰無住  
半是愁中半喜中  
二月十四日金川平定  
檢點喜愁何處著  
一齊排遣付東風

御製詩二集卷八